

**REGIONAL NEWS UNIT**  
**ALL INDIA RADIO, AGARTALA**  
**Date: 18-03-2018**  
**Time: 07:55-08:05 PM Hrs**  
**BENGALI EVENING BULLETIN**

---

**Headlines :**

- ১) রাজ্যের আর্থিক সংকট নিরসনে রাজ্য সরকার নিজস্ব রাজস্ব আয় বৃদ্ধির সিদ্ধান্ত নিয়েছে।
- ২) কেন্দ্রীয় সরকার গত চার বছরে কৃষিক্ষেত্রে দুই লক্ষ এগারো হাজার কোটি টাকা খরচ করেছে। বলেছেন - কেন্দ্রীয় কৃষিমন্ত্রী রাধামোহন সিং।
- ৩) ইউনিক আইডেন্টিফিকেশন অথরিটি অব ইন্ডিয়া জনসাধারণকে ইন্টারনেটে আধার নম্বর সহ অন্যান্য ব্যক্তিগত তথ্য ব্যবহার করার সময় সতর্ক থাকতে বলেছে।
- ৪) সরকারী দপ্তরের আধিকারীদের কাজের মানদণ্ড নির্ধারিত হবে তাদের স্বচ্ছতা ও দক্ষতার নিরীখে। এক্ষেত্রে রাজনৈতিক চিন্তাধারা বিবেচ্য নয়। বলেছেন - উপমুখ্যমন্ত্রী যিশু দেববর্মণ।

000000000000

## উপমুখ্যমন্ত্রী:

রাজ্যের আর্থিক সংকট নিরসনে রাজ্য সরকার বেশ কিছু পদক্ষেপ নিচ্ছে বলে জানিয়েছেন উপমুখ্যমন্ত্রী তথা অর্থমন্ত্রী যিশু দেববর্মন। আজ সচিবালয়ে এক সাংবাদিক সম্মেলনে তিনি জানান, রাজ্যের আর্থিক অবস্থা সংকটজনক। তা থেকে উত্তরণের জন্য রাজ্য সরকার নিজস্ব রাজস্ব আয় বৃদ্ধির সিদ্ধান্ত নিয়েছে। তাছাড়া সরকারী বিভিন্ন দপ্তরে ব্যয় সংকোচনের নির্দেশ দেয়া হয়েছে। উপমুখ্যমন্ত্রী বলেন, বর্তমান এই আর্থিক সংকটজনক পরিস্থিতিতে, রাজ্যের সার্বিক উন্নয়ন ও জনগনের প্রত্যাশা পূরণে রাজ্য সরকার বন্ধপরিষ্কার। সপ্তম বেতন কমিশন, সর্বশিক্ষা কর্মচারী ও সামাজিক ভাতা সহ রাজ্যের স্বার্থ-সংশ্লিষ্ট বিষয়ে প্রধানমন্ত্রী ও কেন্দ্রীয় অর্থমন্ত্রীর সঙ্গে আলোচনা করতে মুখ্যমন্ত্রী বিপ্লব কুমার দেব আজ দিল্লি গেছেন, দিল্লিতে অবস্থানকালে মুখ্যমন্ত্রী কেন্দ্রীয় সরকারের অন্যান্য দপ্তরের মন্ত্রীদের সঙ্গেও রাজ্যের স্বার্থ-সংশ্লিষ্ট বিষয়ে আলোচনা করবেন।

000000000000

## কৃষি:

কেন্দ্রীয় সরকার গত চার বছরে কৃষিক্ষেত্রে দুই লক্ষ এগারো হাজার কোটি টাকা খরচ করেছে। যেখানে আগের সরকার খরচ করেছে মাত্র এক লক্ষ একুশ হাজার কোটি টাকা। বলেছেন - কেন্দ্রীয় কৃষিমন্ত্রী রাধামোহন সিং, নতুন দিল্লিতে তিনদিনের কৃষি উন্নতি মেলার সমাপ্তি অনুষ্ঠানে বক্তব্য রাখতে গিয়ে কৃষিমন্ত্রী বলেন, সরকার কৃষি ক্ষেত্রে বরাদ্দ অর্থের পরিমাণ বাড়ানোর পাশাপাশি আগামী ২০২২ সালের মধ্যে কৃষকদের আয় দ্বিগুণ করার জন্য প্রতিশ্রুতিবদ্ধ।

000000000000

### **প্রধানমন্ত্রী:**

প্রধানমন্ত্রী নরেন্দ্র মোদী বলেছেন, সবার জন্য উন্নয়নের মন্ত্রে দেশের গরীব ও নিম্ন মধ্যবিত্ত মানুষের জীবনের সরলীকরণের কাজ সরকার করে চলেছে। ভিডিও কনফারেন্সিং এর মাধ্যমে গতকাল অন্ধ্রপ্রদেশের সিসই গ্রামে উগাদি উৎসব উপলক্ষে শ্রী-মোদী বলেন, গণ আন্দোলনের ক্ষমতা সরকার সঠিকভাবেই বোঝে এবং তার উপযুক্ত মর্যাদা দেয়। প্রধানমন্ত্রী বলেন, জনগনের অংশগ্রহণে স্বচ্ছ-ভারত অভিযানে শৌচালয় নির্মাণ, ২০১৪ সালের আগের তুলনায় প্রায় দ্বিগুণ হয়েছে। রাস্তা,

রেলপথ নির্মাণ, এবং বিদ্যুৎতায়নের কাজও দ্বিগুন হয়েছে। প্রধানমন্ত্রী বলেন, গত তিন বছরে প্রধানমন্ত্রী আবাস যোজনায় এক কোটির মত গৃহ নির্মাণ হয়েছে। এছাড়া, উজ্জ্বলা যোজনায় সরকার সাড়ে তিন কোটি গরীব মহিলাকে বিনামূল্যে গ্যাস সংযোগ দিয়েছে যা এক নজীরবিহীন ঘটনা।

000000000000

**UIDAI:**

ইউনিক আইডেন্টিফিকেশন অথরিটি অব ইন্ডিয়া অর্থাৎ UIDAI জনসাধারণকে ইন্টারনেটে আধার নম্বর সহ অন্যান্য ব্যক্তিগত তথ্য ব্যবহার করার সময় সতর্ক থাকতে বলেছে। এক বিবৃতিতে UIDAI বলেছে, আধার-পরিচিতি ব্যবস্থায় ব্যাপকতা অনেক বেশি এবং এই সংক্রান্ত তথ্য ইন্টারনেটে দেওয়ার সময় সতর্ক থাকতে হবে।

000000000000

**জম্মু কাশ্মীর:**

জম্মু কাশ্মীরের পুঞ্চ জেলার মেনধার অঞ্চলে পাক-বাহিনীর গুলি বর্ষণে একই পরিবারের পাঁচ-জনের মৃত্যু হয়েছে। প্রতিরক্ষা মন্ত্রক সূত্রে আকাশবাণীকে জানানো হয়েছে, আজ সকাল ৭.৪৫ মিনিটে বালাকুট সেক্টরে পাক সেনা-বাহিনী বিনা প্ররোচনায় জনবসতি এলাকা ও ভারতীয় সেনা চৌকি লক্ষ করে গুলি বর্ষণ শুরু করে। দেবতা গ্রামের একই পরিবারের পাঁচজন মর্টারের গোলায় নিহত হন। গুরুতর আহত হয়েছেন দুইজন। তবে গোলাগুলির সমুচিত জবাব দিচ্ছে ভারতীয় বাহিনী।

000000000000

### সংবর্ধনা: 1

আধিকারীকদের কাজের মানদণ্ড নির্ধারিত হবে তাদের স্বচ্ছতা ও দক্ষতার নিরীখে। এফ্রেত্রে রাজনৈতিক চিন্তাধারা বিবেচ্য নয়। বলেছেন - উপমুখ্যমন্ত্রী যিশু দেববর্মন, ত্রিপুরা ট্রাইবেল অফিসার ওয়েলফেয়ার ফোরাম এবং অল ত্রিপুরা এস.সি অফিসার্স ওয়েলফেয়ার সোসাইটির যৌথ উদ্যোগে আজ আগরতলায় তপশিলি জাতি ও উপজাতি বিধায়ক এবং মন্ত্রীদের সংবর্ধনা অনুষ্ঠানে তিনি একথা বলেন। উপ-মুখ্যমন্ত্রী বলেন, নির্বাচনের সময় ভিশন ডকুমেন্ট সুচিন্তিতভাবে তৈরী

করা হয়েছে। এর প্রতিটি প্রতিশ্রুতি সরকার পালন করবে বলে তিনি দৃঢ় অভিমত ব্যক্ত করেন। তিনি এক্ষেত্রে সকল কর্মচারীদের সহযোগিতা করার আহ্বান জানান। বিধায়ক দিলীপ দাস বক্তব্য রাখতে গিয়ে সরকার পরিচালনায় অফিসারদের দায়িত্ব নিয়ে কাজ করার পরামর্শ দেন। রাজস্ব মন্ত্রী এন.সি দেববর্মাও সংবর্ধনা সভায় বক্তব্য রাখেন।

000000000000

## সংবর্ধনা: 2

ঊনকোটি জেলার কুমারঘাটের পাবিয়াছড়া বাজারের নাট মন্দিরে আজ বিকেলে সমাজকল্যাণ ও সমাজ শিক্ষামন্ত্রী সহ দুই বিধায়ককে সংবর্ধনা জানানো হয়েছে। পাবিয়াছড়া বাজার কমিটি আয়োজিত সংবর্ধনা সভায় বক্তব্য রাখতে গিয়ে সমাজ কল্যাণ ও সমাজ শিক্ষামন্ত্রী সান্ত্বনা চাকমা বলেন, জনগণ এই সরকারের উপর যে আস্থা, বিশ্বাস রেখেছে তা পালন করা হবে। অনুষ্ঠানে মন্ত্রী সহ দুই বিধায়ক ভগবান দাস ও সুধাংশু দাসকে সংবর্ধনা দেওয়া হয়।

000000000000

## **বিজেপি:**

বিজেপি'র উদ্যোগে আজ বিলোনিয়া টাউন হলে কর্মীসভা অনুষ্ঠিত হয়। সভায় বক্তব্য রাখেন বিজেপি রাজ্য-সহ সভাপতি সুবল ভৌমিক, বিজেপি নেতা অমল মল্লিক ও গৌতম সরকার। ঋষ্যমুখেও বিজেপি'র কর্মীসভায় বক্তব্য রাখেন বিজেপি রাজ্য সহ-সভাপতি সুবল ভৌমিক, বিজেপি নেতা বিভীষণ দাস।

**000000000000**

## **স্বাস্থ্য শিবির:**

জাতীয় স্বাস্থ্য মিশন-গোমতি জেলা স্বাস্থ্য ও পরিবার কল্যাণ সমিতির উদ্যোগে আজ উদয়পুর টাউন হলে উচ্চ রক্ত চাপ, হার্ট, ক্যান্সার ডায়াবেটিস, স্ট্রোক রোগ সম্পর্কে এক দিনের মেগা স্বাস্থ্য শিবির ও সচেতনতামূলক অনুষ্ঠানের আয়োজন করা হয়। রাজ্যের বিশেষজ্ঞ চিকিৎসকগণ এই শিবিরে চিকিৎসা পরিষেবা প্রদান করেন। রোগীদের ওষুধ দেওয়া হয়। শিবিরের উদ্বোধন করে, বিধায়ক রামপদ জমাতিয়া বলেন, সুস্বাস্থ্যের জন্য সকলকে সচেতন থাকবে হবে। সেই সঙ্গে, যোগাযোগ-এর উপরও তিনি গুরুত্ব আরোপ করেন।

000000000000

### **কনভেনশন:**

ইসকোন অনুমোদিত ভারতীয় ট্রাইবেল কেয়ার ট্রাস্টের উদ্যোগে উপজাতিদের অর্থনৈতিক, সামাজিক এবং ধর্মীয় সংস্কৃতি রক্ষায় আজ আমবাসা মহকুমা টাউন হলে অনুষ্ঠিত হয় রাজ্যভিত্তিক কনভেনশন। ক্রীড়ামন্ত্রী মনোজ কান্তি দেব, এই কনভেনশনের উদ্বোধন করেন। উদ্বোধনী অনুষ্ঠানে উপস্থিত ছিলেন, বিধায়ক পরিমল দেববর্মা ইসকনের পরিচালনা কমিটির কমিশনার ভক্তি পুরুষোত্তমা স্বামী প্রমুখ।

000000000000

### **অশোককাস্টমী মেলা:**

প্রলভূমি উনকোটিতে আগামী চব্বিশ ও পঁচিশে মার্চ ঐতিহ্যবাহী ‘অশোককাস্টমী মেলা’ অনুষ্ঠিত হবে। আসন্ন মেলাকে সফল করতে গতকাল কৈলাসহর মহকুমা শাসকের অফিস কক্ষে এক প্রস্তুতি সভা হয়। সভাপতিত্ব করেন, মহকুমা কল্যাণ আধিকারিক রূপক ভট্টাচার্য্য।

000000000000

### **কর্মচারী সংঘ:**

এক ত্রিপুরা শ্রেষ্ঠ ত্রিপুরা গড়ার লক্ষ্যে রাজ্যের নতুন সরকার যে সংকল্প নিয়েছে এতে সকল কর্মচারীদের সহযোগীতা করার আহ্বান জানালেন - ত্রিপুরা রাজ্য কর্মচারী সংঘের রাজ্য সভাপতি শঙ্কর দেব। সংঘের উদ্যোগে আজ উদয়পুরের রাজর্ষি কলাক্ষেত্রে এক আলোচনাসভা অনুষ্ঠিত হয়। এতে বক্তব্য রাখেন বিভাগীয় সভাপতি তপন কুমার দে, সম্পাদক বিপুল দে, গোমতি জেলার সভাপতি গৌতম দাস প্রমুখ।

000000000000

### **স্মরণ সভা:**

জোতির্বিজ্ঞানী স্টিফেন হকিং এর প্রয়াণে অল ত্রিপুরা ব্লাইন্ড কমিটির উদ্যোগে আজ এক স্মরণ সভা অনুষ্ঠিত হয়। অনুষ্ঠানে প্রয়াণের প্রতিকৃতিতে মাল্যদান করেন সংগঠনের সদস্যবৃন্দ। পরে কমিটির নেতৃবৃন্দ স্টিফেন হকিং-এর অবদানের বিষয়ে সংক্ষিপ্ত আলোচনা করেন।

অনুষ্ঠানের উপস্থিত ছিলেন অল ত্রিপুরা ব্লাইন্ড কমিটির সভাপতি ব্রজহরি দেবনাথ, সহ-সভাপতি ধুবজোতি চক্রবর্তী প্রমুখ।

000000000000

### **পর্যটন শিল্প:**

পর্যটন শিল্পকে উন্নত করার লক্ষ্যে রাজ্য সরকার ইতিমধ্যে পরিকল্পনা গ্রহণ করার উদ্যোগ নিয়েছে। সংস্কৃতির শহর উদয়পুরকে সাজিয়ে তুলতে সকল অংশের জনগনের সুচিন্তিত পরামর্শ সাদরে গ্রহণ করা হবে। গতকাল উদয়পুরে তিনদিনব্যাপী সম্ভীত নাটক একাডেমির সাংস্কৃতিক অনুষ্ঠানের উদ্বোধন করে পর্যটনমন্ত্রী প্রনজিৎ সিংহরায় একথা বলেন। উদয়পুরের রাজর্ষি বহুমুখি সাংস্কৃতিক হল সাংস্কৃতিক অনুষ্ঠানের প্রথম সন্ধ্যায় ঝাড়খন্ড ও পশ্চিমবঙ্গের শিল্পীরা ছৌ নৃত্য পরিবেশন করে। আগামীকাল অনুষ্ঠানের সমাপ্তি।

000000000000

### **স্বাস্থ্য শিবির কর্মসূচি:**

স্বাস্থ্য ও পরিবার কল্যাণ দপ্তরের উত্তর ত্রিপুরা জেলা কার্যালয়ের উদ্যোগে কদমতলা ব্লকের রানীবাড়ি গ্রাম পঞ্চায়েত এলাকায় স্বাস্থ্য শিবির করা হচ্ছে। এই কর্মসূচিতে আগামীকাল সংশ্লিষ্ট পঞ্চায়েতের সোনাইছড়িতে মেগা স্বাস্থ্য শিবিরের আয়োজন করা হয়েছে।

000000000000

### **ক্রিকেট:**

ঘরোয়া প্রথম ডিভিশন ক্রিকেটের সুদিনের ম্যাচের আসরের পোলষ্টার ক্লাব ও চলমান সংঘের মধ্যে শেষ খেলাটি আজ থেকে শুরু হয়েছে। এম.বি.বি স্টেডিয়ামে অনুষ্ঠিত খেলায় টসে জিতে প্রথমে ব্যাট করতে নেমে পোলষ্টার ক্লাব প্রথম ইনিংসে সবকটি উইকেট হারিয়ে ২৪১ রান সংগ্রহ করে। দলের পক্ষে ওপেনার শুভ্রজিৎ রায় অনবদ্য ১০৪ রান করে। চলমানের অমিত আলী ৬৪ রানে ও রাজীব সাহা ৬৩ রানে ৪টি করে উইকেট পায়। জবাবে খেলতে নেমে চলমান সংঘ প্রথম ইনিংসে দিনের শেষে ৪ উইকেট হারিয়ে ৩৪ রান করে।

000000000000

## মহিলা ক্ৰিকেট:

মহিলাদের অনূৰ্ধ্ব ২৩ বছরের টি-২০ ক্ৰিকেটের পূৰ্বাঞ্চলের আসরের দ্বিতীয় ম্যাচেও ত্ৰিপুৰা পৰাজিত হয়েছে। গৌহাট্ৰিৰ বৰ্ষাপাড়া স্টেডিয়ামে অনূৰ্ণিত খেলায় আজ ঝাড়খন্ড ৭ উইকেটে রাজ্যদলকে হাৰিয়ে দেয়। টসে জিতে ব্যাট করার সিদ্ধান্ত নিয়ে রাজ্যদল ১৭ ওভারে সবকটি উইকেট হাৰিয়ে ৬২ রান সংগ্ৰহ করে। জবাবে খেলতে নেমে ঝাড়খন্ড ১৪ ওভার ৫ বল-এ ৩ উইকেট হাৰিয়ে জয়ের লক্ষ্যে পৌঁছে যায়। এৰে আগে রাজ্যদল প্ৰথম ম্যাচে আসামের কাছে হেৰেছিল।

000000000000

000000000000